

denberg-Sargans⁸ zu Vaduz, Graf Albrecht von Werdenberg⁷ und Graf Ulrich von Montfort-Feldkirch⁶, vor allem über Zölle und Zollpfändung, ferner unter anderem auch über Ansprüche des Jakob Fründ¹⁸ auf Güter zu Vaduz.

Wir herr vlrich walther von der alten clingen¹, her eberhard von Bürglon², her hainrich von Rôtenberg³, her fridrich vom Riet⁴, vnd Eglolf der elter von Rosenberg⁵, / Schidlüt der Edelen herren. von Montfort . . von Werdenberg vnd San Gans, Tugin kunt mit disem brief, daz wir gen veltkirch von derselben / herren stöss wegen gemant wurdent vnd öch dar komen sien vff den nechsten Svnnentag nach sant Jacobstag. vnd hanf vns fürgeleit vnd dar vmb / gebätten ertailen, Graf vlrichen⁶ vnd Graf albrecht von werdenberg⁷ vber die stöss die si zû enander ze sprechen hatten von zölln wegen, vnd vmb ander stöss / die hie nach beschaiden sint, vnd habin öch wir die selben ir sache vssgerett vnd dar vmb vff den aid ertailt als wir vns aller erberklichost verstünden äne / alle geverd. Wir sigent vber ainkomen vmb die zöll, daz Graf hartmann⁸, Amman krapf⁹, vnd Albrecht der amman von werdenberg, erfarn sont ze / veltkirch vnd ze Bludentz, wie si, vnd ir Lüt von alten her gezollet hand, daz si hinnanhin öch also zollin. Vmb die pfandung die der ôt¹⁰ gicht daz er / getan hab, da enkunnen wir nit vmb reden noch tûn wan daz ain recht dar vmb sol gesprochen werden von vns, ald von andern Lüten ob si went, dez / stünd mornond Graf albrecht⁷ vnd der ôt¹⁰, vor vns an ain recht, vmb die selben pfandung, vnd nach iro baiden fürlegung, ertailten wir schidlüt, daz der / ôt¹⁰ die selben pfandung die er tet, daz warend acht Ross vnd acht sôm saltzes widertûn sol, vnd wenn daz der ôt¹⁰ widertût, hat denn Graf albrecht⁷, in vt an ze / sprechenne vmb die frâueli daz er in äne recht pfant, dar vmb sol er in beklagen vor sinem amman. Vmb den stöss zwischent . . dem von Roschach¹¹ vnd Johansen Ringken¹², habin wir gerett daz Graf albrecht . . den von Roschach¹¹ versichern sol, daz im johans Rink¹² ain recht tûge, ald in sol aber Graf albrecht⁷ nit / me han ze diener vnd sol sich sin entänen vnd sol im vmb die sache nütz be-